

Bosna i Hercegovina
Federacija Bosne i Hercegovine
Kanton Središnja Bosna / Srednjobosanski kanton

KANTONALNI SUD U NOVOM TRAVNIKU
Broj: 06 0 K 013803 21 Kv
Novi Travnik 22.11.2021. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u Vijeću sastavljenom od sudaca Zuhdija Ćosić, kao predsjednik vijeća, te Lazarela Porić i Suada Kahrić, kao članovi vijeća uz sudjelovanje zapisničara Erme Jusić, u kaznenom predmetu osuđenog M.B., odlučujući o molbi osuđenog za odmjerenje i izricanje jedinstvene kazne, a po prethodno pribavljenom mišljenju Kantonalnog tužiteljstva Travnik broj T06 0 KT0026325 19 od 10.11.2021. godine, temeljem odredbe članka 340a. Zakona o kaznenom postupku Federacije Bosne i Hercegovine, na sjednici vijeća održanoj dana 22.11.2021. godine donio je slijedeću:

PRESUDU

Kazne zatvora izrečene osuđeniku M.B. pravomoćnim presudama, i to presudom Kantonalnog suda u Novom Travniku broj 06 0 K 013803 20 K od 04.06.2020. godine /kazna zatvora u trajanju od 1 (jedne) godine i 6 (šest) mjeseci/ i presudom Općinskog suda u Travniku broj 51 0 K 160181 19 K od 15.02.2021. godine /kazna zatvora u trajanju od 6 (šest) mjeseci/ uzimaju se utvrđenim, pa se imenovani primjenom odredbe čl. 54. st. 2. tačka b) Kaznenog zakona Federacije Bosne i Hercegovine

OSUĐUJE

NA JEDINSTVENU KAZNU ZATVORA
U TRAJANJU OD 1 (jedne) GODINE i 10 (deset) MJESECI

Na temelju člana 57. st. 1. i st. 2. Kaznenog zakona Federacije Bosne i Hercegovine u izrečenu jedinstvenu kaznu ima se uračunati vrijeme koje je osuđen proveo u pritvoru i na izdržavanju kazne zatvora po pravomoćnim presudama.

U preostalom dijelu pravomoćne presude Kantonalnog suda u Novom Travniku broj 06 0 K 013803 20 K od 04.06.2020. godine i Općinskog suda u Travniku broj 51 0 K 160181 19 K od 15.02.2021. godine ostaju neizmijenjene.

Obrazloženje

Osuđenik M.B. koji se nalazi na izdržavanju kazne zatvora u Kazneno-popravnom zavodu zatvorenog tipa Zenica, podnio je ovom sudu dana 01.10.2021. godine molbu za nepravo ponavljanje postupka radi objedinjenja zatvorskih kazni izrečenih

presudom Kantonalnog suda u Novom Travniku broj 06 0 K 013803 20 K od 04.06.2020. godine i Općinskog suda u Travniku broj 51 0 K 160181 19 K od 15.02.2021. godine. Svoj prijedlog obrazlaže činjenicom da su navedene presude pravomoćne, a nisu primijenjene odredbe o sticaju, smatra da sud pored općih pravila za objedinjenje treba uzeti u obzir okolnost njegovog statusa kao osuđenika, da je lošeg imovnog stanja, a posebno njegov prihvaćen odnos prema mjerama resocijalizacije tijekom dosadašnjeg izdržavanja kazne zatvora, što kao dokaz navodi da je kvalificiran u najprimjereniju grupu osuđenih osoba.

Prije odlučivanja o tom prijedlogu sud je pribavio presude po kojima se traži nepravno ponavljanje kaznenog postupka, mišljenje Kantonalnog tužiteljstva Travnik broj T06 0 KT0026325 19 od 10.11.2021. godine kojim je isto tužiteljstvo izrazilo svoju suglasnost da se osuđeniku ujedine izrečene kazne zatvora i da se donese nova presuda, kao i dopis Općinskog suda u Travniku broj 51 0 Su 194617 21 Su od 22.10.2021. godine u kojem se ovaj sud obavještava da dostavljena presuda tog suda broj 51 0 K 160181 19 K od 15.02.2021. godine prema stanju u spisu do sada nije bila predmetom nepravog ponavljanja kaznenog postupka. Prema istom dopisu, osuđeni trenutno izdržava kaznu zatvora po toj presudi u KPZ Zenica, što je suprotno aktu istog suda broj 51 0 K 180295 20 lks od 01.02.2021. godine iz spisa broj 06 0 K 013803 20 K kojim je ovaj sud obaviješten da je osuđenik dana 28.01.2021. godine sproveden u KPZ Zenica na izdržavanje kazne zatvora u tom predmetu. Međutim, kako i iz dopisa od 22.10.2021. godine također proizlazi da će osuđeni početi izdržavati kaznu zatvora u trajanju od šest mjeseci izrečenu pravomoćnom presudom Općinskog suda u Travniku broj 51 0 K 160181 19 K od 15.02.2021. godine dana 27.06.2022. godine, ovaj sud cijeni kao tačan podatak da osuđeni sada izdržava kaznu zatvora u trajanju od jedne godine i šest mjeseci izrečene pravomoćnom presudom Kantonalnog suda u Novom Travniku broj 06 0 K 013803 20 K od 04.06.2020. godine, a da će nakon izdržavanja te kazne, započeti izdržavanje kazne zatvora izrečene presudom Općinskog suda u Travniku broj 51 0 K 160181 19 K od 15.02.2021. godine.

Prijedlog osuđenog se ocjenjuje utemeljenim.

Presudom ovog suda broj 06 0 K 013803 20 K od 04.06.2020. godine tada optuženi M.B. oglašen je krivim za kazneno djelo razbojništva iz članka 289. stav 2., u vezi sa stavom 1. i u vezi sa člankom 31. Kaznenog zakona Federacije BiH, pa je za počinjeno kazneno djelo osuđen na kaznu zatvora u trajanju od 1 (jedne) godine i 6 (šest) mjeseci. Ta presuda postala je pravomoćna dana 06.07.2020. godine. Pored navedene presude tada optuženi M.B. oglašen je krivim i presudom Općinskog suda u Travniku broj 51 0 K 160181 19 K od 15.02.2021. godine za kazneno djelo teška krađa iz članka 287. stavak 1. točka a) Kaznenog zakona Federacije BiH i osuđen na kaznu zatvora u trajanju od 6 (šest) mjeseci. Predmetna presuda je postala pravomoćna 11.03.2021. godine.

Slijedom navedenog, u odnosu na osuđenika doista postoje dvije pravomoćne presude, kojim presudama su tom osuđeniku izrečene dvije kazne zatvora, a prilikom izricanja istih nisu primijenjene odredbe o odmjeravanju jedinstvene kazne za djela u sticaju. U ovakvoj procesnoj situaciji odredba čl. 340a. Zakona o kaznenom postupku Federacije BiH predviđa mogućnost preinačavanja

pravomoćnih presuda i bez ponavljanja kaznenog postupka /tzv. nepravo ponavljanje kaznenog postupka/.

Prema stanju u spisu osuđeni navedene kazne nije izdržao. Treba napomenuti i da iste nisu bila predmet objedinjavanja. U ovakvoj procesnoj situaciji odredba člana 340 a). Zakona o kaznenom postupku Federacije BiH predviđa mogućnost preinačavanja pravomoćnih presuda i bez ponavljanja kaznenog postupka kroz institut nepravog ponavljanja kaznenog postupka.

Sud je prilikom odmjeravanja jedinstvene kazne osuđenom, ranije izrečene kazne uzeo utvrđenim, pa je primjenjujući odredbu čl. 54. st. 2. tačka b) Kaznenog zakona Federacije BiH odlučio, da osuđeniku izrekne jedinstvenu kaznu zatvora u trajanju od 1 godine i 10 mjeseci. Prilikom odluke da se osuđenom izrekne upravo ova jedinstvena kazna zatvora sud je u obzir uzeo sve olakotne i otegotne okolnosti koje su se na strani osuđenog stekle i u vrijeme kada su prvobitne kazne odmjeravane. Kao adekvatna kazna za kaznena djela za koja je osuđenik M.B. oglašen krivim, po ocjeni ovog suda, utvrđuje se jedinstvena kazna zatvora u trajanju od dvije godine i sedam mjeseci.

Na temelju članka 57. stavak 1. Kaznenog zakona Federacije BiH u izrečenu jedinstvenu kaznu zatvora uračunato je i vrijeme provedeno u pritvoru i cjelokupno vrijeme provedeno na izdržavanju kazne zatvora po pravomoćnim presudama.

Iz navedenih razloga je odlučeno kao u izreci.

POUKA:

Protiv ove presude može se izjaviti žalba Vrhovnom sudu Federacije BiH Sarajevo u roku od 15 dana od dana prijema iste.

Zapisničar
Erma Jusić

Predsjednik vijeća

Zuhdija Ćosić